

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 135. sjednici, održanoj dana 14.11.2013. godine, d o n o s i

## ZAKLJUČAK

### I.

Prihvata se Mišljenje Ministarstva za obrazovanje, nauku, kulturu i sport o Inicijativi Općinskog vijeća Usora, broj: 02-05-352/13., od 10.09.2013. godine, o pokretanju postupka prijenosa nadležnosti iz oblasti obrazovanja sa Zeničko-dobojskog kantona na općinu Usora.

### II.

Stav Vlade o Inicijativi zajedno sa Mišljenjem iz tačke I ovog zaključka upućuje se u dalju Skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_ /13.

Datum, 14.11.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za obrazovanje, nauku, kulturu i sport,

1x Predsjedavajućem Skupštine Zeničko-dobojskog kantona,

1x a/a.

Na dostavljenu Inicijativu o pokretanju postupka prijenosa nadležnosti iz oblasti obrazovanja sa Zeničko-dobojskog kantona na općinu Usora, Odlukom broj: 01-05-352/13., od 10.09.2013. godine, Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

## **MIŠLJENJE**

Predmetna inicijativa OV Usora, temelji se na članu 69. Ustava Zeničko-dobojskog kantona, kojim se utvrđuje da su općine, čije većinsko stanovništvo po nacionalnoj strukturi nije stanovništvo koje čini nacionalnu većinu u Kantonu kao cjelini, nadležne za obrazovanje, kulturu, turizam, lokalno poslovanje, dobrotvorne aktivnosti i radio i televiziju.

S tim u vezi napominjemo prethodnu i obavezujuću ***Presudu Ustavnog suda Federacije BiH, broj: U-8/08., od 16. 01. 2009. godine***, donesne po tužbenom zahtjevu općine Žepče, a kojom se utvrđuje da je Zeničko-dobojski kanton povrijedio prava Općine Žepče na lokalnu samoupravu, jer nije prenio ovlasti u vezi sa obrazovanjem na ovu općinu, tako da se Zeničko-dobojski kanton obavezuje da u roku od tri mjeseca, od dana objavljivanja ove presude u „Službenim novinama FBiH“, prenese ovlasti u vezi sa obrazovanjem na Općinu Žepče. Napominjemo da je Presuda Ustavnog suda zasnovana na članu V.1.2.(2) Ustava Federacije Bosne i Hercegovine, u vezi sa Amandmanom XV stav 2. na Ustav Federacije Bosne i Hercegovine, zatim članu 69. Ustava Zeničko-dobojskog kantona, kao i Odluci Visokog predstavnika za Bosnu i Hercegovinu o integraciji Općine Žepče od 06.10.2000. godine („Službene novine FBiH“, broj: 44/00) i Konačnoj Odluci o integraciji Općine Žepče od 30.11.2001. godine („Službene novine FBiH“, broj: 56/01). S obzirom da je od donošenja konačne i obavezujuće presude, postupajući po istoj, Zeničko-dobojski kanton donio Zakon o prijenosu ovlasti nad osnovnim i srednjim obrazovanjem na općinu Žepče, („Službene novine Zeničko-dobojskog kantona“, broj: 12/09), zatim da je **Općinsko vijeće Usora, svojom Odlukom broj: 01-05-352/13., od 10.09.2013. godine, pokrenulo Inicijativu o pokretanju postupka prijenosa nadležnosti iz oblasti obrazovanja sa Zeničko-dobojskog kantona na općinu Usora**, te da su prema članu 69, Ustava Zeničko-dobojskog kantona, kojim se utvrđuje da su općine, čije većinsko stanovništvo po nacionalnoj strukturi nije stanovništvo koje čini nacionalnu većinu u Kantonu kao cjelini, nadležne za obrazovanje, kulturu, turizam, lokalno poslovanje, dobrotvorne aktivnosti i radio i televiziju, ispunjeni su svi uvjeti za prihvatanje Inicijative, a nakon čega bi uslijedilo priprema i donošenje posebnog Zakona o prijenosu ovlasti nad osnovnim i srednjim obrazovanjem sa Kantona na općinu Usora. Tim prije što i većinska nacionalna struktura stanovništva na području novoformirane poslijeratne općine Usora, nesporno, nije i većinska nacionalna struktura stanovništva na području Kantona.

**MINISTAR**

**Mirko Trifunović**